

TAKƏLAYA KANCAALAYA NYƏŇKA
ŇKA
PIYEE
NMAAWA TƏ
Kutultu

Kilisiti nyəma mpa pá yawa na pa we Asii tetu həğəlyu taa tə, mpeye Piyee ηmaawa takəlaya kanə. Piyee yəğətaya taa pə naa ke si mpa paa seeki İso tə pa footiyi İso seelaa mpe. Pəyele pá suuki-weye təm. Pa tukaya-weye konyəŇ ke rıpyú musəŇ ké. Pə təə ke Piyee tasəyi-weye apalutu si pa tekiyi Yesu tike.

İsəna pa fayə Piyee I takəlaya tə:

Seetu, titite 1:1-2

Teeəlyu kopyəŇku, titite 1:3-12

TənanəŇ tənte na Yesu matənav pə təm, titite 1:13–2:10

İso seelaa yaasi kopyəŇ, titite 2:11–4:19

İso seelaa təpasəyü na pa təmlə təm, titite 5

Seetu

¹ Maya Piyee, Yesu Kilisiti tillu.

Ma ηmaakəna takəlaya kanəye me mpa İso ləsaa si í nyəma, na pə yasa-me na í caya cayələtu ke PəŇ na Kalatı na Kapatəəsi na Asii na Pitiini pa tetənaa taa tə. ² Taca İso ləsəyü-me tə, pə keesəna teitei ké isəna mpi i ka suwa hatuu ləŇ na í təŇəyi na í lakı təyə. Na i Feesəyü yelina í pəsa i nyəma si í nuna Yesu Kilisiti na ílé i caləm tayanı-me.

İso í huli-məye pəlele, na í ha-məye alaafəya ke səsəm səsəm.

Teebuvu kupan̄ku

³ Tó sa Iso tá Soso Yesu Kilisiti Caa. I feesa Yesu Kilisiti ke səttaa taa na pə ha-tuyu weesuyu kufaluvu ke i suulu soso tɔɔ. Na pə yelaa na tá teebuvu haŋa teu təkai, ⁴ si tu hiki kupantɔnaa mpa Iso si i nyóma tɔ. Kupantɔnaa pəne paa wakələyi, paa pilisiyi, pəyele pa teu u səki. Isəttaa ké Iso su-meyɛ-we. ⁵ Me, í tema Iso na mə taa ɔlena Iso toma náá təkɪ-me, na pə taŋa nyuvu yapu mpi pə tayanaa si pu kəna na pə kuli kuyeyɛŋ kuteesəŋ taa tɔ pə kɔntɛ.

⁶ Paa pə weɛ si kayana mayasəŋ inɪ i nɔɔɔ na i suka í wakəli mə laŋa ke weɛ naale tɔ, mə laŋa í hɔlɔmɪ tɔm tənɛ tɔ tɔɔ. ⁷ Pə laki m̄póyó si pə ná mə Iso taa temnav waali. Wɔla ke pə lapa si i tɛŋ na í saali yem, na kəkɔ ke pa tayanəŋəna-i na í la teu. Na mə taa temnav na Iso ná kəla wɔla ke nyuvu təcayacaya. Pə tɔɔ ké pə mayasəyi mə taa temnav mpi si pə naa pə toma tənaya, na kuyan̄ku Yesu Kilisiti ká kɔɔ tɔ í hiki sam na teeli na nyuvu. ⁸ Paa í taa keesi-i tɔ í sɔɔla-i ké, na kayana paa u tu keesiyi-i tɔ, í tɔŋna-i mə taa ké temnav ké. Pə tɔɔ ké mə laŋhɔlɔmɪle wena teeli na tɔ tɔɔ sɔsɔm pə tu fei yəɔɔtaya. ⁹ Pə taya pulv, í hika mpi pə tɔɔ í tema Iso na mə taa tɔ, mpəɔɔle mə ləsasi nyóóŋ yapu.

¹⁰ Nyuvu yapu pəne pə tɔm ke Iso kuyəɔɔtutu teləsəlaa pɛkkaa na pá taasi na pá wiili pə taa təcɔlulu, na pá ná na pá keesi kucɔɔv ŋku Iso ká tɛ na í la-me tɔ kv tɔm. ¹¹ Mpi mpi Kilisiti Feesuyu keesaa tɔ mpəyi mpe pa kaasa pa ti na pá pɛeki si pá nyi pə waatɔnaa na mpi pə lapu pu pana tɔ. Pə taya pulv, Feesuyu ŋku ku we pa taa ké na kv heeli-we na pə taa kɔnta si, Kilisiti ká təɔɔ kɔnyəŋ, pə waali ké i teeli kəŋ. ¹² Na Iso heela i kuyəɔɔtutu

teləsəlaa si təm wenti pa tu-we si pá heeli tō tō ta na-we, meye pə nawa. Na ntəyəle nti í mu kayana tō. Laapaali Kupaŋ təm waasu lataa kraaləna-meyeti, na Feesuyu Nəŋtu wei pə tisina isətaa tō i toma ke pəle pa yəətənaa. Na isətaa tillaa maɣamaɣa ná səlāa si pá nyi-ti.

Tənaŋ tənte təm

13 Pə tōw kē í caya na mə huwēe taŋaa tətēyeteye kē təmle lapu. I laki pə təna na laakali ke tam, na í tu mə tēlvu ke kuvəv ŋku í ká hiki kuyanku Yesu Kilisiti ká kōw tō. 14 I nuna Iso na í taa tasa wēv isu i ka wēv isəkrētəle taa kē tuu ləŋ na í təŋəyi mə kunyuləŋ tō. 15 Ama í wēe tənəŋ nyəma ke mə yaasinaa təna taa, isu Iso wei i yaa-me tō i wēv tənəŋ tō. 16 Pa ŋmaa Iso Təm taa kē mpyúyú si: I wēe tənəŋ isu ma wēv tənəŋ tō.

17 Iso wei i huukəna yəlaa tənaya teitei na u fayasəyi nəyəlv, na ye wei i kulapətu wē isəna i huuna ilēye mpv tō, inəyi í yaa mə Caa mə Caa ke mə sələmvu taa. Təv, ye mpv í huləna mə yaasinaa taa si í seeki-i wēe nna pə kaasa-meyə antulinya taa cəne tō a taa ilē. 18 I nyəmə liyitihutaya ŋka pa yarəna-meyə yaasi kra i nyəŋ wei mə caanaa caanaa teləsəme tō i niŋ taa tō. Na pə taya pəlv yem nyəm mpi pə kuyaku səki tam isu liyitee wēv tō. 19 Aai, pə taya mpv, Kilisiti wei i wēv isu iwəyaya ŋka ka tiili tá caamu na ka feina tayanmala tō i caləm kupampam ke pa yarəna-me. 20 Kilisiti ke Iso ka ləsa na í su na pəcə pá laki antulinya. I ləsa-i kuyēŋ kantəkaya nyəŋ inē i taa na í hólí kē si pə waasi-me. 21 I tōw kē í temna Iso wei í feesa-i na í tv-i teeli tō na mə taa, na pə lapa mpv təyō í tú Iso kē naani na mə tēlvu məli i tōw.

22 Na isu í nuna tampana na í paasi na í sòli mē
 Isòsele taa lēlaa tō, í tayana mē tēyi. I sòlēyi mē
 tēmayā mēpūyū teu na lotu kulōmtv. 23 Pē tayana-
 mēye lūlyv kē, ile pē taya mē caanaa mpa pa sēki tō
 mpe pa tasēna-mēye lūlyv. Ama pē tuu mpiyi mē
 taa na pu sēki tō mpi pē yelina na pē lá mpv. Isò Tōm
 nti tē wēna weesuyu na tē wē tam tō tō nti tē tēna
 pē lapa mpv. 24 Pa ηmaawa Isò Tōm taa si:
 Yēlaa tēna wēē kē isu nyutv,
 na pa teeli tēna wēē kē isu nyutv hētō.
 Nyutv wōlēyi ilēna hētō nāá tō.
 25 Ama Tācaa tōm ná cakī tam tō kē.
 Na tōm ntēyēle Laapaali Kupaη kōna-mē.

2

Weesuyu pāle kulōlē tōm

1 Ye mpv ile í yele paa isayātō ntiyi lapv, na pōpōtv,
 na cēsuyv, na isēsēmēē, na cayanav. 2 I wēē isu piya
 ahulōmnaa na í nyulēyi tam kē hēlēm mpi pē kē Isò
 nyēm na pē kē kōpam tō, na í mvsi na í pu na pē ya
 mē nyōōη. 3 Pa ηmaa mēpūyū Isò Tōm taa kē si: I tēηa
 Tācaa kōpantv.

4 I kōtēna Tācaa, inēyēle pāle nte yēlaa lōwa na tē
 wēna weesuyu tō. Pēyele tē kē Isò ileye kōpampante
 tōyō i lōsa-tē. 5 Mu kōtēna-i na í wēē isu pēē nna a
 wēna weesīη tō, na pā kpaγa-mē na pā ηmana Isò
 kē kutuluyū. Na í ká la kv taa tēnaya kōtēlaa naηη
 nyéma mpa pē tōwa si pā lakī Isò kē i kōtasī kē Yesu
 Kilisiti tō na pē lapī-i teu tō pa kpekāle. 6 Pē taya
 pōlv, pa ηmaa Isò Tōm taa si:
 Pāle kōpante taa kōpante kē ma lōsaa.
 Pōnentē ma su-tēye Siyōη,

si tó wee kite tee pæle.

Na ye wei i tema-te na i taa,

puntu kaa koo na í yooati si ye maa nyamá.

⁷ Me mpa í tema-te na mə taa tó, tə ke-mege kupam taa kupam ké. Pə yela mpa pele na pá tá te pa taa tó tə ké pelege

pæle nte ηmalaa ləwa na tə pəsi nte tə tó

pə təna pə səηaa təyó.

⁸ Pa tasa tiiliyi ηmaav tótó si:

Pæle nte tə coki yəlaa təyóló.

Kukpamuyó ηku kv huyi tó.

Pa kisa Isə Təm muyó təyó pə coki-we,

na n̄póyó tuu pu suwa si pu la-we.

⁹ Ama me ile mə ké piitim mpi pa ləsaə təyó, na Wulav Səso kətəlaa, na i piitim nanη nyəm, na Isə yəlaa ké. Na pə ləsa-mege si í kpaaləyi Isə wei i yaa-me si í lu səkpetyóv taa na í sɔv i tənənη tete tó i təma səsəəna təm. ¹⁰ Ləη í taa ké Isə yəlaa, ama pənente í ké Isə yəlaa. Ləη í taa nyi si Isə wəna pətətəle yaa i feina tó. Ama pənente í nyámá si i wəna.

Isə təmlə lataa yaasi

¹¹ Ma taapalaa, isu í kev muvlaa na cəsəlaa ke ate cəne tó, ma wiikina-me si í la laakalı na tənuyóv konyuləη wei i wakələyi mə Isəsele tó. ¹² I təkı yaasi kupaη ke ma ta nyi isənaa həkı, ile paa ná mə təma kupaηa ke timpı pa tɔyona-me si í ké asayaa tó, na paa sa Isə ké kupaηku i ká kəo tó.

¹³ I tɔyona səsaa mpa yəlaa suwa təyó Tacaə tó, paa Lom wulav səsə wei i ti pə təna tó. ¹⁴ Paa kvfəneənaə mpa i suwa tetv taa si pá həη asayaa ηkpaηη na pá saη kupaηtv lataa tó. ¹⁵ Tampana təo isəntə, Isə caa ké si mu təkı kupaηtv na í laki-ti, na pə

məti isəkreete nyəma na kumelēməŋ pa nɔɔsi na pá taa na kuyɔɔtutu. ¹⁶ I təŋ isu kasayampiya. Ama í taa nyəni mə kasayampiitu ke mpi ye í lapa isayatu pu taku mə waali tɔ. Ama í la isu Isə təmle nyəma lakuyu tɔ. ¹⁷ I seeki yəlaa təna, na í sɔɔləyi mə Isəseele taa ləlaa, na í nyaŋna Isə, na í seeki Lom wulau sɔsɔ.

Kilisiti ikpate tənyu təm

¹⁸ Təma lataa, mu nuna mə caanaa na í se-weyə teu. Pə taya mpa pa ké kɔpama na pá wena suulu tɔ pa tike ke í ká nukəna na í ká seeki, ama na mpa pa wena nyaŋ tɔtɔ tɔɔ. ¹⁹ Pa tukuyu yulu ke konyəŋ ke yem na í suma si Isə tɔɔ tɔ pə we teu ké. ²⁰ Ama ye yulu lapa isayatu ké na pá mak-i tɔ tɔɔ, ɪ ɪ sante nté isəna tɔtɔ? Yulu laki kɔpantu ké na pá tu-i konyəŋ ke kɔpantu nti ɪ lapa mpɔ tɔ tɔ tɔ na í suma, ɪ na pə lá Isə ɪɛɛ lelen. ²¹ Pə tɔɔ mayamaya ke Isə yaa-mɛ. Pə taya pulu tɔɔ, Kilisiti mayamaya ná tɔɔ konyəŋ ke nɔpúyú mə tɔɔ ké, na í huli-mɛ si í təŋ ɪ ikpate. ²² I ta la isayatu natəli, ɪ nɔɔ taa tá lu pɔpɔtu təm natəli ke paa fəŋ. ²³ Pa tu-i tɔ, ɪ ta leeti. Pa tu-i konyəŋ tɔ, ɪ ta nyaasi-wɛ. Ama ɪ yelina pə tənaya Isə wei ɪ təŋəyi tampana na í huukəna tɔɔ. ²⁴ Na Kilisiti mayamaya səɣələna tá isayatu ke ɪ nyuyu taa ké səm tesika tɔɔ, si té si na pə cɛ tá na isayatu, na té fe na té təŋ siyisuyu. Pə ku ɪɛɛ kuyu kuyu tɔɔ pə waa-mɛ. ²⁵ Pə taya pulu, í ka wɛɛ ké isu heen kɔtooluŋ. Ama pənente pa keeta-mɛ na pá mənna wei ɪ ké tiikulu na ləsasi tɔɔ fəŋlu tɔ ɪ kiŋ.

3

Apalaa na pa alaa pa təm

¹ Alaa me tətə, í seeki mə paalaa ke mpv. Pu la na pa taa mpa pa ta mu Isə Təm tə, pá ná mə yaasinaa na pə hə-we na pá sʉv Isə seev taa. Pə taya isu í ká yəyətɪ natəli na mə nəəsɪ na pəcə. ² Aai, paa ná isəna mə yaasi maɣaa na í seeki mə paalaa təyə pu hə-we. ³ I taa preekəyi si í tʉyi mə təənaa ke kacəka nyəm, isu nyəəsɪ tayanʉyʉ na wula nyəmnaa tʉyʉ, yaa wontu kʉpantʉ suuu si pə la-me na í te. ⁴ Ama í preekəyi si hatuu mə lotu taa í tena. Na teu mpi, pə wee ləmayasələ nte tə we teu na tə we təpamm tə tə teu, mpi pu saaləyi yem tə. Tə ké liyitihutaya pulv ke Isə isentaa ké. ⁵ Ḿpúyú ləŋtaa alaa mpa pa təŋaya Isə mpaav ke teu na pa tɛelayaa ɪ kiŋ tə pa tayanayana pa ti. Pa seekaya pa paalaa ké. ⁶ Ḿpúyú Saala lapa, ɪ nuna Apələham ké, haləna í yaaki-ɪ si: Ma ce. Ye mu laki kʉpantʉ na í tá yele na pulv səyəntʉ kpaamə, í wee ké isu ɪ pɛlaa.

⁷ Apalaa me tətə, í təkɪ mə alaa na í nyɪ pa təə si pə ŋma-we tə pa toma ta tala mə nyəna. I seeki pa ise, pə taya pulv təə, mə na-weye Isə ká ha weesuyʉ ke faalaa. I laki mpv, na pulv í taa kəə na pə kayati-meɣe mə sələməŋ taa.

Wahala təyəv ke tulum

⁸ Pə tənaya mpv ɪe í huukɪ huwee kʉlʉmɛɛ na kʉsəələm kʉlʉməm. I səəlɪ təma isu yulv na ɪ neu. I təkɪ təmayə teu. I taa la təma na kalampaani. ⁹ Ye yulv í lapa-meɣe ɪsəyatʉ í taa feli-ɪ, paa kutʉyʉ, í taa lɛeti-ɪ. Ama í kooli pʉntʉ təə ké kʉpantʉ, pə taya pulv, Isə yaav-mə tə, ɪ mayamaya ɪ kʉpantʉ ke ɪ təma si ɪ ká ha-mə. ¹⁰ Pa ŋmaa Isə Təm taa ké mpv si:
Ye wei ɪ caa si ɪ nu lelen
na í ná kuyeeŋ kʉpaŋ ke atɛ cəne,

puntv í yele isayatu yəḡətaya,
na í taa tasa pəpətv pəlvɔv.

¹¹ I ha isayatu ke siyile na í sɔv kɔpantv lapv taa.
I pɛki lelaa na lelen na í huli pə ikpate.

¹² Pə taya pulv,

Tacaa kama isɛ ke yulɔpama təw kɛ,
na í nukɪ pa sələməŋ.

Ama ɪ ha siyile ke mpa pa lakɪ isayatu təḡə.

¹³ Ye í seesa isəle na kɔpantv lapv, awe ká la-mɛɣɛ isayatu? ¹⁴ Paa pə wɛɛ sɪ í lapa kɔpantv nti tə tə təw kɛ pa məla-mɛɣɛ kɔnyəŋ tɔɔv, í nu lelen kɛ. I taa nyana yəlaa ke paa pəcə, na í taa yele na pə liyiti-mɛ. ¹⁵ Kilisiti kɛna mə Caa, ɪɛ í samɪ-ɪ hatuu mə lotunaa taa kɛ mpv. I taŋ tətɛyɛtɛɣɛ kɛ tam, na ye mpa pa pəɔsa-mɛɣɛ mpi ɪ tɛɛlɔɣɪ tə pə təm, ɪɛ í kɛɛsɪ-wɛ tətɛtɛtɛ. ¹⁶ I kɛɛsɪ-wɛ təpamm na í se-wɛ. I wɛɛna lotu kɔlɔmtv, ɪɛ mpa pa təŋ sɪ í kɛ taalɪ nyəma na pá tɔvki-mɛɣɛ mə yaasi kɔpəŋ wei Kilisiti ha-mɛ tə ɪ təw tə, fɛɛle ká məli-wɛɣɛ kpav ke pa nəɔsɪ taa təm pɛɛ təw. ¹⁷ Pə taya pulv, ye yulv təkɪ kɔnyəŋ ke kɔpantv nti ɪ lapa tə tə təw, na pə kɛ ləɔ luɣu nyəntv sɪ í təḡə mpv, pəle pə kəla teu na mpi ɪ ká təḡə-kɔɣv isayatu nti ɪ lapa tə tə təw tə. ¹⁸ Haləna mə təw kɛ Kilisiti mayamaya ná səpa, na yəlaa isayatu təw ke ɪ səpa təm kɔlɔm ke ɪ kpakpaa səpv. Inəḡəle yulɔpəŋ wei ɪ səpa asayaa təw tə, sɪ í kpaya-mɛ na í pona ləɔ kiŋ. I tənɔɣv kɔnɛɣɛ pa kɔwa, ama Feesuyv Nanŋtv ná feesa-ɪ. ¹⁹ Feesuyv kɔnɛɣɛ ɪ təkaa na í polo na í lana waasv ke ləsasɪ nsi sɪ wɛ saləka taa tə. ²⁰ Ləsasɪ nsi sɪ taa nuna ləɔ kɛ tuu ləŋ ke kɔyɛɛŋ wei ɪ taa Nowee təŋna ɪ atakaa pəḡɔlvɔv səsəɔv saakɔɣv na ləɔ taŋna suulu təḡə ma təŋ. Na yəlaa mpa pa sɔv kpulɔɣv ŋkɔ kɔ taa na lɔm ta təḡə-wɛ tə pa wɛ pəcə kɛ, yəlaa pələfɛɪ

naanowa tike. ²¹ Lom pəne pə nəyəsəna Iso lum səu mpi pə yaki mə nyəəŋ ke kaɣana təyɔ. Na Iso lum səu pəne pə ta ke tənuyv təə asilima ləsvyv. Ama pə ké mpi pə hólóyí sɪ yulv wiikina Iso sɪ í ha-ɪ lotu kvlvmtv təyɔ. Yesu Kilisiti fema təyɔ Iso lum səu yaki mə nyəəŋ. ²² Inɪ ɪ kpəna ɪsətəa na í cəyɔ Iso kəŋkəŋ taa, na í təkɪ kawuləyɔ ke ɪsətəa tillaa na ɪsətəa kawulasɪ na pə tɔŋtɔnaa təə.

4

Təntɛ kvfatɛ təm

¹ Iso Kilisiti təyɔ kɔnyəŋ na pə wu ɪ nantv tə, mə tətə í caalɪ mə tɪ na í təkɪ pə ləmayəsələ ke mpv. Pə taya pulv, wei ɪ təkɪ kɔnyəŋ haləna pə wukɪ ɪ nantv tə, pɔntv lu ɪsayatv paa taa ké. ² Pə kpəyav kaɣana tə, í tə kuyeyɛŋ wei pə kaasa-meyɛ atɛ cəne tə ɪsu Iso caa tə, í taa tə ɪsu yvlvkɔnyuləŋ caakɪ tə. ³ ɪ yele ɪsəna tuu ləŋ í paasaa na í lá ɪsu ma ta nyɪ ɪsənaa tə, í taa tasa mpv. Yaasi ɪsayav, na kɔnyuləŋ ɪsayəŋ, na svlvnyəələ, na hiluyv, na svlvkvlɛ, na tuŋ laav mpi pə feɪ lapv tə pə tənəyɔ mpv pə taa ké í ka wɛɛ. ⁴ Ama pənente mə təm lakɪ ma ta nyɪ ɪsənaa ke ha ké timpɪ mə na-we í yela kpɛntvyv ke yaasinəa asayaa səsaa taa tə, ɪlena pá mələyɪ-meyɛ kvtyv. ⁵ Ama paa tɛ na pá kɛɛsɪ pa kvləpələ tənəyɔ Iso wei ɪ səəlv puwa sɪ ɪ hvkəna weesɪŋ nyəma na sətəa ke təm tə. ⁶ Pə mayaməyɔ pə nyuyv təə tətəyɔ pa kpəala sətəa ke Laapəalɪ Kɔpəŋ sɪ pá hvvna-we ɪsu yələa mpə pa wəna pa weesɪŋ təyɔ teiteɪ ɪsu pa lakɪ yələa tənə tə, na pa kpəala-weyɛ Laapəalɪ Kɔpəŋ ké sɪ Iso Feesuyv tɔŋ təə pá wɛɛ ɪsu Iso wɛv tə.

Iso sɛɛlaa cakələ

7 Pə təna pə wule puwaya, pə təo de í kpaɣa ləmayasəe ke teu, í taa caya yem təpoto na í səo ləo sələmuyə təo. 8 Kancalaya nyəntu nti tə wəe təyole si í səoli təmayə səsəm. Pə taya pulv, ye səoluyə í wəe isayatu payale puki pooluŋ ké. 9 Í lakɪ təmayə mɔvulle ke mə tēsɪ taa na í taa kɔntəyɪ. 10 Paa mə taa wei í paasəna teu ke mpi ləo yeki na pə lapv saaki-ɪ tə. Ye ləo í yelaa na pulv lapv saa nəyolv tike, pɔntv í paasəna teu na lelaa waa pə taa. 11 Ye waasv latv lakɪ ɪ waasv, pə wəe sɪ ləo kvyəyətutv ke ɪ teləsəyɪ yelaa. Ye wei ɪ lakɪ təmle, pɔntv í lana toma nna ləo ha-ɪ tə, na pə tv ləo ké teeli ke Yesu Kilisiti təo. Yesu inəyələ teeli tv na pəsulv ke tam təo. Ami.

Isəsəe təo kɔnyəntəyole

12 Ma taapalaa mə laŋa í taa təna isəna pə mayasuyə-meyə toŋ na toŋ si pə naa mə waali tə isu mpusi nəyolv. 13 Ama mə laŋa í hɔlvɔmɪ sɪ mə hika mə paa nyəm ke Kilisiti wahalanaa taa na mu təyə. Mpɔ tətəyə mə laŋa ká hɔlvɔmɪ kɔyaŋku pu kuli ɪ teeli təo tə. 14 Ye pa tɔvki-mə isu í kev Kilisiti ifalaa tə pə təo, í nu leleŋ ké. Pə taya pulv təo, teeli Feesuyə ŋku kv ké ləo Feesuyə tə kv wəeki mə waali ké. 15 Pá taa tv mə taa nəyoluyə konyəŋ ke yulokvle yaa ŋmuləm yaa isayatu lapv yaa təm fav pə təo. 16 Ama ye wei ɪ təkɪ konyəŋ ke Kilisiti təŋuyə təo, fəele í taa kpa-ɪ. Í sa ləo ké isəna mpi pa tvna-ɪ na Kilisiti tə.

17 Hɔvle waatu talaa ké, na ləo yelaa ke pa caaləyəna təm hɔvnav. Təv, ye taya ləo taaləyəna hɔvnav, de isənayale hɔvle nté tii tēsəna waatu wei pu tala mpa pa kisa Laapaali Kɔpaŋ ke muyə tə? 18 Pa ŋmaawa ləo Təm taa sɪ:

Ye μευμευ ké na pə ya kvpama nyəŋ,

ile awe náá tu p̄oosi nyan̄tonaa na asayaa pa t̄om ile?
 19 P̄ə t̄oó k̄é ye Iso luyu lapa si mpa pá t̄ȳo kunȳoñ,
 p̄ont̄onaa í laki k̄upantu ke hípȳú tam. Pá yelina pa
 t̄ȳi Nmalv wei i kaa yele lapv ke nti nti i t̄oma si i ká
 la t̄o.

5

Iso kulapv̄tv t̄oó fen̄ȳu

1 M̄ə taa mpa mpa pa k̄é Iso t̄əseele s̄osaa t̄ȳo ma
 wena p̄əne. Ma mayamaya is̄ənt̄o ma k̄é Iso t̄əseele
 s̄os̄o k̄é. Na ma nana ma is̄əp̄əle ke Kilisiti t̄ȳo
 kunȳom̄əñ wei t̄o. Kuyan̄ku paa kuli i teeli t̄o t̄o
 maa hiki ma paa nȳəm ke p̄ə taa. Nti ma wiikina-
 me t̄ȳole si: 2 I paas̄əna kal̄əkv̄ ηku Iso yelina-me
 t̄ȳo teu, is̄u tiikilaa lakv̄ȳv̄ t̄o. I fen̄ kv̄ t̄o na luyu
 kul̄om̄ȳv̄ is̄u Iso caaki t̄o, p̄ə taa w̄ee t̄elas̄i t̄om. I laki
 m̄ə t̄oma t̄ətetete, p̄ə taa w̄ee p̄əȳolaya nȳənȳv̄v̄ t̄o.
 Ama í ha m̄ə ti t̄əkpataa k̄é p̄ə lapv̄ taa. 3 I taa p̄eēki si
 í ηmak̄əlȳi mpa p̄ə c̄ela-me si í fen̄iȳi pa t̄o t̄o. Ama
 í w̄ee mpa kal̄əkv̄ ka nȳən̄əȳəna na kv̄ laki t̄o. 4 Na
 tiikilaa Wulav í k̄oma na í k̄oó, ile í ká hiki m̄ə teeli
 ntenuȳu ηku kv̄ ηmal̄əm ká tee k̄ə̄k̄ə ke tam t̄o.

5 S̄əkpema me m̄ə nȳənt̄v̄ nt̄é si mu seeki s̄osaa. Na
 m̄ə t̄əna t̄əpai í pasa m̄ə ti na í s̄əñna t̄əma, p̄ə t̄aya
 pulv̄, pa ηmaa Iso T̄om taa si Iso yoona kalampaani
 nȳéma, na i laki k̄upantu ke mpa pa pas̄əȳi pa ti t̄o.
 6 Ye mp̄v̄ ile í pasa m̄ə t̄əȳi Iso nin̄ toma nȳəñ taa, na
 p̄ə k̄oma na p̄ə tala waatv̄ wei i ka suwa t̄o, i ká k̄usi
 m̄ə nȳv̄ȳv̄. 7 I p̄eti m̄ə n̄əȳəsee t̄ənaya Iso, p̄ə t̄aya pulv̄,
 i paas̄əȳəna-me t̄o se.

8 I nȳoosi m̄ə ti, í taa c̄aya yem t̄əpoto. P̄ə t̄aya pulv̄
 t̄oó, m̄ə kolontu il̄əȳəv̄ w̄ee k̄é, na í c̄ə̄ki is̄u t̄əȳolaya
 wiikuȳu na ka c̄ə̄ki na ká p̄eēk̄əȳi si ká hika wei ka

tayami tɔ. ⁹ ʔ paasi na í səŋ lɔ sɛɛv mpaav taa ké teu na í tanɪ-i teu. Pə taya pɔlv tɔɔ, í nyi si mə taapalaa mpa pa yana antulinya tɔ, kɔnyɔntɔɔlɛnaa pane pa makəna pɛlɛɛ mpv tɔtɔɔ. ¹⁰ ʔ tɔki kɔnyɔŋ kɛ laasaya tɔ tɔ, pɛlɛɛ təna tv lɔ wei ɪ yaa-me si í hiki mə paa tete kɛ ɪ teeli wei u tɛŋ tɔ ɪ taa ké mə na Kilisiti mə kɔpɛntvɔv tɔ tɔ, ɪ mayamaɣa ɪ ká taɣanəna-meɣe teu təmmam. Na ɪ ká la na í nyɔ tɔŋ, na í ha-meɣe apalvɔ, na í səŋsi-meɣe kite nte tɔ tɔ pə kaa ciyiti-me tɔ. ¹¹ ʔ pəsvɔv kɔnɛ kú wɛɛ tam. Ami.

Kantəkaya sɛɛv

¹² Silaasi wei ma nyənəɣi isu ta taapalv kupaŋ tɔ ɪ ɪ sənna-m na má ŋmaa-meɣe takəlaya kanɛ. Ma caa ma sɔɔsi-meɣe apalvɔ na má la na í tɛ mə taa si lɔ tampana pɛlɛɛ tɔm wɛnna takəlaya kanɛ ka taa. ʔ tɔki-yɛɣɛ niŋ naalɛ.

¹³ Papiloni lɔ sɛɛlaa mpa lɔ yaawa isu ɪ yaav-me tɔ pa sɛɛ-me, ma pəyalv Maləki sɛɛ-me tɔtɔ. ¹⁴ ʔ sɛɛ təmaya teu na sɔɔlvɔv kupaŋkɔ na í lɛlɪ.

lɔ í ha mə təna mpa Kilisiti tɪ tɔɔ alaafəya.

PHIPI LI ISO TOM TAKELAYA
Portions of the Holy Bible in the Lokpa language of
Benin

copyright © 1999 SIM

Language: Lokpa (Lukpa)

Translation by: SIM

This translation is made available to you under the terms of the Creative Commons Attribution-Noncommercial-No Derivatives license 4.0.

You may share and redistribute this Bible translation or extracts from it in any format, provided that:

You include the above copyright and source information.

You do not sell this work for a profit.

You do not change any of the words or punctuation of the Scriptures.

Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

2017-10-16

PDF generated using Haiola and XeLaTeX on 11 Nov 2022 from source files dated 9 Oct 2020

ef14191a-91f7-51c1-ac89-7b93dd7c4377